



ბაჰოდის 1923 წლის 1 მაისიდან

„ჩინგუძი საცაბთუელთა, სიმუხი ჩუენ ვაბთ ყელათ“

ქვეყნის

სენაკის მუნიციპალიტეტის თავისუფალი ბაჰეთი

2021 წელი • №11-12 (9505-9506) • 1-30 ივნისი • ფასი 1 ლარი

მუნიციპალიტეტის მერიაში

ბავშვთა დაცვის დღე სენაკში



ბავშვთა დაცვის საერთაშორისო დღე, სენაკის მუნიციპალიტეტის სკოლამდელი აღზრდის გაერთიანების 27-ვე საბავშვო და ბავა-ბაღში, ღია ცის ქვეშ, რეგულაციების დაცვით, სახალისო და სანახაობრივად მრავალფეროვანი აქტივობებით აღინიშნა.

ლონისძიებს მერიის განათლების, კულტურის, ახალგაზრდობისა და სპორტის სამსახურის უფროსი გივი მისაბიშვილი, სკოლამდელი აღზრდის

გაერთიანების დირექტორი ალექსანდრე ჯანჯღავა და ამავე სექტორის წარმომადგენლები დაესწრნენ.

ბავშვთა დაცვის დღე სენაკში, ქალაქის ცენტრალურ სკვერში დაგეგმილი აქტივობა - მხიარული ანიმატორების გასართობმა პროგრამამ დაასრულა.

სენაკის მუნიციპალიტეტის მერიისა და სკოლამდელი აღზრდის გაერთიანების ცენტრის ერთობლივი პროექტის ფარგლებში, ბავშვთა საერთაშორისო დღისადმი მიძღვნილი დღესასწაული 2009 წლიდან, მრავალფეროვანი ღონისძიებებით აღინიშნება. ამ დღეს იმართება აღსაზრდელთა ნამუშევრების გამოფენა, დღის გმირების საზეიმო მსვლელობა წითელ ხალიჩაზე, გალა-კონცერტი - საბავშვო და ბავა-ბაღების აღსაზრდელთა და პედაგოგების მონაწილეობით

ირაკლი ხახუბია პროექტებს გაეცნო

საქართველოს პარლამენტის წევრი, ფოთის, ხობისა და სენაკის მაჟორიტარი დეპუტატი ირაკლი ხახუბია, სენაკის მუნიციპალიტეტის მერის პირველ მოადგილესთან, გრიგოლ ბალათურასთან და მაჟორიტარის ბიუროს ხელმძღვანელთან, შალვა სარდალიშვილთან ერთად, სენაკის მუნიციპალიტეტში მიმდინარე და განხორციელებულ ინფრასტრუქტურულ პროექტებს გაეცნო.

ირაკლი ხახუბიამ ახლადრეაბილიტირებული, სამი ათეული წლის შემდეგ აღდგენილი, მენჯი-სახარბედიოს დამაკავშირებელი გზა დაათვალიერა.

ასევე გაეცნო შხეფის ციხემდე მისასვლელი გზის სარეაბილიტაციო სამუშაოებს, სადაც გზის კაპიტალური რეაბილიტაციის პროექტის ფარგლებში, კეთილმოეწყო სახოკიას ქუჩიდან შხეფის ციხემდე მისასვლელი გზა და არსებულ მოედანზე - ასფალტბეტონის საფარი.



პროექტის განხორციელებით, სენაკს კიდევ ერთი მრავალფუნქციური, მათ შორის, ტურისტული თვალსაზრისით, მნიშვნელოვანი სივრცე შეემატა.

საქართველოს პარლამენტის წევრმა ირაკლი ხახუბიამ ასევე დაათვალიერა ჭავჭავაძის ქუჩის N35 კორპუსის მიმდებარედ, ახლადრეაბილიტირებული მინი სპორტული მოედანი.

შხეფის ციხემდე მისასვლელი გზა



სენაკში კიდევ ერთი მნიშვნელოვანი პროექტი დასრულდა - ეს სახოკიას ქუჩიდან შხეფის ციხემდე მისასვლელი გზის კაპიტალური რეაბილიტაციის პროექტია, რომლის ღირებულებამ 91 049 ლარი შეადგინა.

განახლებული ინფრასტრუქტურით, მუნიციპალიტეტს კიდევ ერთი

მრავალფუნქციური, მათ შორის, ტურისტული თვალსაზრისით მნიშვნელოვანი სივრცე შეემატა.

ლევან კუპრეიშვილის მერობის პერიოდში, 2017-2020 წლებში, 500-მდე ინფრასტრუქტურული პროექტი განხორციელდა. მათ შორის, 2017-2020 წლებში, ქალაქად რეაბილიტირდა 75 ქუჩა, ხოლო ადმინისტრაციულ ერთეულებში - 54.

მიუხედავად პანდემიით შექმნილი საყოველთაო დამაბრკოლებელი გარემოებებისა, მიმდინარე წელსაც, სენაკის მუნიციპალიტეტში, საგზაო ინფრასტრუქტურის მოწესრიგების პარალელურად, კეთილმოეწობის სამუშაოები სხვადასხვა მიმართულებით აქტიურად ხორციელდება

სპორტული მოედანის სარეაბილიტაციო სამუშაოები

კორონავირუსის პანდემიის გლობალური გამოწვევების ეპოქაში, განსაკუთრებული მნიშვნელობა ენიჭება ჯანსაღი ცხოვრების წესის დამკვირების, საზოგადოებაში, განსაკუთრებით კი, ახალგაზრდებში სპორტის პოპულარიზაციისა და ამ კუთხით, ინფრასტრუქტურული პროექტების განხორციელების პროცესს.

სპორტული ინფრასტრუქტურის მოწყობა-რეაბილიტაცია ხელისუფლების ერთ-ერთი უმნიშვნელოვანესი პრიორიტეტია.

სენაკის მუნიციპალიტეტში დასრულდა ჭავჭავაძის ქუჩის N35 კორპუსის მიმდებარედ, მინი სპორტული მოედნის სარეაბილიტაციო სამუშაოები.

პროექტის ღირებულება 40 975 ლარს შეადგენს.

ასევე რეაბილიტირდა რუსთაველის ქუჩის N126 კორპუსის მიმდებარედ, მინი სპორტული მოედანი.

სამუშაოების ღირებულებამ 15 890 ლარი შეადგინა.

დასრულდა სასპორტო სკოლის სპორტული დარბაზისა და სადრენაჟე სისტემის მოწყობის სამუშაოები, ღირებულებით - 65 934 ლარი.

სამუშაოები შპს „მშენებელმა“ განახორციელა.

სენაკის მუნიციპალიტეტის მერის ლევან კუპრეიშვილის მერობის პერიოდში, მოეწყო 10 მინი-სპორტული მოედანი:

2019 წელს რეაბილიტირდა ჭყონდიდელის ქუჩაზე, მექანიკურის დასახლებაში, მეშვიდე საჯარო სკოლისა და ყიული შარტავას სახელობის პარკში მდებარე მინი-სპორტული მოედნები;

2020 წელს დასრულდა ყოფილი სამხედ-



რო ქალაქის დევილთა დასახლებასა და მშვიდობის ქუჩის N223-ში მდებარე სპორტული მოედნების მშენებლობა.

საგანმანათლებლო და სამეცნიერო ინფრასტრუქტურის განვითარების სააგენტოს 2020 წლის სახელმწიფო ბიუჯეტის დაფინანსების ფარგლებში, რეაბილიტირდა სენაკის N3 საჯარო სკოლის მეორე კორპუსის მინი სპორტული მოედანი, ზანის საჯარო სკოლის მინი სპორტული მოედანი და დარბაზი.

აშენდა 2 საკალათბურთო მოედანი:

სენაკის მუნიციპალიტეტის მერიისა და კომპანია „გალფის“ ერთობლივი პროექტის ფარგლებში, 2020 წელს დასრულდა ზაზა ფაჩულიას სახელობის საკალათბურთო მოედნის მშენებლობა;

2020 წელს, იუსტიციის სახლის მიმდებარედ, მოეწყო კალათბურთის მოედანი.

ასევე რეაბილიტირდა, ბუნებრივი აირით და გათბობის სისტემით უზრუნველყოფილ იქნა სენაკის სასპორტო სკოლა, ძიუდოსა და ბერძნულ-რომაული ჭიდაობის დარბაზები; კალათბურთის, ფრენბურთისა და ფეხბურთის მოედნები; სენაკის ცენტრალურ სტადიონს ჩაუტარდა სარეაბილიტაციო სამუშაოები.

(გაგრძელება მეორე გვერდზე)

პანდემიასთან ბრძოლის მეთოდის განხილვა



სენაკის მუნიციპალიტეტის მერიის სხდომათა დარბაზში, თემაზე - „COVID 19-ის საწინააღმდეგო ვაქცინაციის დანერგვისა და იმუნიზაციის მართვის წესები“, ოჯახის ექიმებისთვის, დაავადებათა კონტროლისა და საზოგადოებრივი ჯანდაცვის ეროვნული ცენტრის წარმომადგენელმა, ქეთევან სანაძემ ტრენინგი გამართა.

შეხვედრას, რომელიც დაავადებათა კონტროლისა და საზოგადოებრივი ჯანმრთელობის ეროვნული

ცენტრის (NCDC) ორგანიზებით და სენაკის მუნიციპალიტეტის მერიის მხარდაჭერით წარმართა, მუნიციპალიტეტის პირველადი ჯანდაცვის ექიმები და საზოგადოებრივი ჯანდაცვის ცენტრის წარმომადგენლები ესწრებოდნენ.

შეხვედრაზე განხილულ იქნა ჩვენი დროის გლობალურ გამოწვევასთან - კორონავირუსის პანდემიასთან ბრძოლის მეთოდის, დღეისთვის, მუნიციპალიტეტის მასშტაბით არსებული კოვიდსტატისტიკა და COVID 19-ის საწინააღმდეგო ვაქცინაციის, როგორც ინფექციისგან დაცვის ეფექტური, უსაფრთხო და უალტერნატივო საშუალების მიმდინარეობის ეტაპები.

სკრინინგ პროგრამების ხელმისაწვდომობის ხელშეწყობისთვის



ემბრიდან ახორციელებს, რითაც სამეგრელოს რეგიონის მოსახლეობას ეძლევა შესაძლებლობა, სახელმწიფო პროგრამებით გათვალისწინებული პროფილაქტიკური გამოკვლევები უფასოდ ჩაიტაროს.

„სამეგრელოს რეგიონში ეროვნული სკრინინგ პროგრამების ხელმისაწვდომობის ხელშეწყობა“ ფარგლებში, სენაკის მუნიციპალიტეტის მერიის მხარდაჭერით, რეგულარულად განხორციელდება დაინტერესებული მოქალაქეების უფასოდ ტრანსპორტირება ზუგდიდის სკრინინგ ცენტრში, სადაც მათ ჩაუტარდება შემდეგი უფასო სამედიცინო გამოკვლევები:

მუცხუს კიბოს სკრინინგი - 40-დან 70 წლის ჩათვლით ასაკის ქალბატონებისთვის (ყოველ ორ წელიწადში ერთხელ, ან წინა გამოკვლევის დასკვნის შესაბამისად), ექიმთან კონსულტაცია და მამოგრაფიული გამოკვლევა;

საშვილოსნოს ყელის გამოკვლევა - 25 წლიდან 60 წლის ჩათვლით;

პროსტატის კიბოს სკრინინგი - 50-დან 70 წლის ასაკის მამაკაცებს, ექიმის მიმართვის საფუძველზე, ჩაუტარდებათ სისხლში პროსტატის კიბოს ანტიგენის გამოკვლევა;

მსხვილი ნაწლავის სკრინინგი - 50-დან 70 წლის ასაკის ქალბატონებისა და მამაკაცებისთვის.

სენაკის სამხატვრო გალერეის საკონფერენციო დარბაზში, პროექტის - „სამეგრელოს რეგიონში ეროვნული სკრინინგ პროგრამების ხელმისაწვდომობის ხელშეწყობა“ ფარგლებში, ჩეხეთის რესპუბლიკის კარიტასის მობილიზატორებმა - ნანა ჯიბლაძემ და კესარია გაგუამ, კიბოს პრევენციის, ადრეული გამოვლენისა და უფასო სკრინინგ პროგრამების ხელმისაწვდომობის საკითხებზე, საინფორმაციო შეხვედრა გამართეს.

შეხვედრას სენაკის მუნიციპალიტეტის მერიის ჯანმრთელობისა და სოციალური დაცვის სამსახურის უფროსი ნატალია ზუბუა, ამავე სამსახურის წარმომადგენლები და ბენეფიციარები დაესწრნენ.

ჩეხეთის რესპუბლიკის კარიტასის პროექტის ფარგლებში, ქალაქ ზუგდიდში, დაფუძნდა სკრინინგ ცენტრი, რომელიც კიბოს სკრინინგის სახელმწიფო პროგრამებს, 2019 წლის ნო-

მიემკვნა ვაჟა ფშაველას 160 წლისთავს



წმინდა ალექსი შუშანიას სახელობის მართლმადიდებლური სკოლა-გიმნაზიის ბიბლიოთეკაში, სენაკის მუნიციპალიტეტის მერიისა და საგანმანათლებლო რესურსცენტრის მხარდაჭერით, ვაჟა-ფშაველას დაბადებიდან 160 წლისთავისადმი მიძღვნილი საიუბილეო გაკვეთილი გაიმართა, რომელშიც სენაკის I, II, III, VII, აფხაზეთის VII საჯარო სკოლების, წმინდა ალექსი შუშანიას სახელობის მართლმადიდებლური სკოლა-გიმნაზიის, სკოლა-ლიცეუმის, კერძო სკოლა „მარიოტას“ და, პირდაპირი ჩართვით, გენიოსის თვალსაჩინო პერსონაჟის, ალუდა ქეთელაურის მშობლიური სოფლის - შატილის საჯარო სკოლის მე-11 კლასელები ღებულობდნენ მონაწილეობას.

გაკვეთილს სენაკის მუნიციპალიტეტის მერიის განათლების კულტურის, სპორტისა და

ახალგაზრდობის სამსახურის უფროსი გივი მისაბიშვილი, ამავე სამსახურის უფროსი სპეციალისტი ირმა კუპრეიშვილი და საგანმანათლებლო სფეროს წარმომადგენლები ესწრებოდნენ.

აქტივობაში ასევე ჩართული იყვნენ მასწავლებელთა პროფესიული განვითარების ეროვნული ცენტრის ქართული ენისა და ლიტერატურის ექსპერტ-კონსულტანტი მაია ინასარიძე, პროექტის - „ასწავლე საქართველოსთვის“ მენეჯერი ლალი ნიკლაური და ამავე პროექტის კოორდინატორი თამთა ნაცვალაძე.

გაკვეთილს, რომელიც ვაჟა-ფშაველას უკვდავი პოემების - „ალუდა ქეთელაურისა“ და „სტუმარ-მასპინძლის“ ანალიზს მიემკვნა, სენაკის ყიული შარტავას სახელობის მეორე საჯარო სკოლისა და შატილის საჯარო სკოლის ქართული ენისა და ლიტერატურის მასწავლებლები - ნანა თვართქილაძე და თამილა ნადირაშვილი უძღვებოდნენ.

მოსწავლეებმა წარმოაჩინეს ვაჟას ბუმბერაზი გმირების სულიერი კათარზისის თანმიმდევრული ისტორია, თემის არაპუმანურ ტრადიციებთან მათი დაპირისპირების ტრაგიკული მარტოსულობა.

ლონისძიების დასასრულს, მერიის განათლების, კულტურის, სპორტისა და ახალგაზრდობის სამსახურის უფროსმა გივი მისაბიშვილმა, მოსწავლეებს საჩუქრად წიგნები გადასცა.

სახელმწიფო რწმუნებული გიორგი გუგუჩია სენაკში



სამეგრელო-ზემო სვანეთის სახელმწიფო რწმუნებული გიორგი გუგუჩია, მოადგილეებთან ერთად, სენაკის მუნიციპალიტეტის მერს ლევან კუპრეიშვილს, პირველ მოადგილეს გრი-

გოლ ბალათურას და მერიის სამსახურების უფროსებს შეხვდა.

შეხვედრაზე, სახელმწიფო რწმუნებულმა, მჭიდრო ურთიერთთანამშრომლობაზე, მოსახლეობასთან უშუალო, ინტენსიურ კომუნიკაციასა და არსებული გამოწვევების დროულ რეაგირებაზე ისაუბრა.

შეხვედრის დასრულების შემდეგ, სახელმწიფო რწმუნებული გიორგი გუგუჩია, შხეფის ციხემდე მისასვლელი გზის სარეაბილიტაციო სამუშაოებს,

ასევე, მუნიციპალიტეტში მიმდინარე და დაგეგმილ ინფრასტრუქტურულ პროექტებს გაეცნო

მუნიციპალიტეტს თანამედროვე ტიპის ბრეიდარი გადაეცა



ევროპული სარდლობის თავდაცვის სფეროში თანამშრომლობის სამსახურმა, საქართველოს ეროვნული გვარდიის მხარდაჭერით, აშშ-ს თავდაცვის დეპარტამენტის ჰუმანიტარული დახმარების პროგრამის ფარგლებში, სენაკის მუნიციპალიტეტს თანამედროვე ტიპის ბრეიდარი გადაეცა.

პროგრამის ფარგლებში, მუნიციპალიტეტის მერი ლევან კუპრეიშვილი, აშშ-ს საელჩოს ორმხრივი ურთიერთობების ოფიცერს, მაიორ დანიელ სეკულას, პროექტის მენეჯერს - თამარ რურუას, საქართველოს თავდაცვის სამინისტროს ეროვნული გვარდიის მე-10 კადრირებული ბრიგადის 102-ე ქვეითი კადრირებული ბატალიონის წარმომადგენლებს - მასტერ სერჟანტ

ლევან ფვანიას, უფროს სერჟანტ რამაზ ფონიას და უმცროს სერჟანტ გიორგი ალანას შეხვდა.

შეხვედრაზე საუბარი პროექტის მნიშვნელობას და მასშტაბურობას შეეხო. აღნიშნული ტექნიკა, მუნიციპალიტეტის მასშტაბით, საგრძობლად გააუმჯობესებს საავტომობილო გზების რეაბილიტაციისა და მოწყობის, საჭიროების შემთხვევაში, განმენდის სამუშაოებს; ასევე მნიშვნელოვანია, საგანგებო სიტუაციებში მზადყოფნისა და მათზე დროული რეაგირების განხორციელების თვალსაზრისით.

აშშ-ს საელჩოს ორმხრივი ურთიერთობების ოფიცერმა, მაიორმა დანიელ სეკულამ, სენაკის მუნიციპალიტეტთან შემდგომი თანამშრომლობისთვის მზაობა გამოთქვა

მეხუთე ბაგა-ბაღის სამშენებლო სამუშაოები დასრულდა

ბ ა ვ -
შეების
გ ა ნ ა
თ ლ ე ბ ა
და განვი-
თ ა რ ე ბ ა
ბ ა ლ ი და
ნ ი ყ ე ბ ა
- ვ ა შ ე ნ ე ბ
თ, ვ ა რ ე მ
- ტ ე ბ თ
ბ ა -
ლ ე ბ ს,
ვ ა უ მ ჯ
- ბ ე ს ე ბ
თ
პ ი რ ო ბ ე ბ
ს, რ ა თ ა
პ ა ტ ა რ ე ბ
ს და მ ა თ
ა ლ მ ზ რ დ
ე ლ ე ბ ს
ს ა თ ა ნ ა დ
ო ვ ა რ ე მ
ო შ ე ვ უ ქ მ
ნ ა თ.



პირობებს, რათა პატარებს და მათ აღმზრდელებს სათანადო ვარემო შეეუქმნათ.

სენაკში, ჯიხას ქუჩაზე მდებარე, გასული საუკუნის 50-იან წლებში აგებული N5 ბაგა-ბაღის ამორტიზებული შენობის ადგილზე ახალი ბაგა-ბაღი ავაშენეთ.

ახალი სასწავლო წლიდან, საჭირო ტექნიკით, ინვენტარით, ბუნებრივი აირითა და ცენტრალური გათბობით უზრუნველყოფილი სა-

აღმზრდელი დაწესებულება 60 ალსაზრდელს მოემსახურება.

შენობა ადაპტირებულია შეზღუდული შესაძლებლობების მქონე პირთათვის.

პროექტი მუნიციპალური განვითარების ფონდმა განახორციელა.

სენაკში ასევე ვაშენებთ თანამედროვე სტანდარტების შესაბამის, 100 ალსაზრდელზე გათვლილ N4 საბავშვო ბაღს.

გვეგეგვით N3 და N7 ბაგა-ბაღების მშენებლობას.

თანამედროვე სტანდარტების შესაბამისი საბავშვო ბაღი შენდება

ახალი სასწავლო წლიდან, საჭირო ტექნიკით, ინვენტარით, ბუნებრივი აირითა და ცენტრალური გათბობით უზრუნველყოფილი N4 საბავშვო ბაღი 100 ალსაზრდელს მოემსახურება.

შენობა ადაპტირებული იქნება შეზღუდული შესაძლებლობების მქონე პირთათვის.

პროექტს ლტოლვილთა დანიის საბჭო (DRC), საქართველო-გერმანიის ფინანსური თანამშრომლობის ფარგლებში, ახორციელებს.

ამავე პროექტის ფარგლებში, ყოფილი სამხედრო დასახლების ტერიტორიაზე რეაბილიტირდა საბავშვო ბაღი „ოცნება“.

სენაკში ასევე აშენდა 60 ალსაზრდელზე გათვლილი, საჭირო ტექნიკით, ინვენტარით, ბუნებრივი აირითა და ცენტრალური გათბობით უზრუნველყოფილი სააღმზრდელი დაწესებულება - N5 ბაგა-ბაღი.

იგეგმება N3 და N7 ბაგა-ბაღების მშენებლობა.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება

„კუჩხიბედიანი - 2021“



სენაკში, ქართული ხალხური ცეკვების ფესტივალ-კონკურსი „კუჩხიბედიანი - 2021“, მეექვსედ ჩატარდა

13 ივნისს, სენაკის ცენტრალურ მოედანზე, შალვა (ჯამუ) გარუჩავას სახელობის ქორეოგრაფიული სტუდია „კუჩხიბედიანის“ ორგანიზებით - ფესტივალ-კონკურსის დამფუძნებელი, ქორეოგრაფი ზვიად გვასალია, მეექვსედ გაიმართა ლეგენდარული სუბივილების ოქროს თაობის მოცეკვავის, ღირსებისა და ბრწყინვალეების ორდენების კავალერის, საქართველოს დამსახურებული არტისტის, შალვა (ჯამუ) გარუჩავას სახელობის ქართული ხალხური ცეკვების ფესტივალ-კონკურსი „კუჩხიბედიანი - 2021“.

„როკვით განფენილი გენის“ დღესასწაულზე მონაწილეობა მიიღეს ჯანო ბაგრატიონის სახელობის ქალაქ ფოთის ქორეოგრაფიულმა ანსამბლმა „ლაზიკამ“ - სამხატვრო ხელმძღვანელი გიგლა თურქია, ქორეოგრაფები: მარინა ფხაკაძე, ლაშა და შოთა ჩოფლიანები; ზუგდიდის მუნიციპალიტეტის ხელოვნებისა და კულტურის განვითარების ცენტრის ბავშვთა და მოზარდთა სახალხო ქორეოგრაფიულმა ანსამბლმა „ცისკარი“ - სამხატვრო ხელმძღვანელი რომეო ბულია, ქორეოგრაფები: მაკა გვიჩია, რობერტ ბულია; მარტვილის მუნიციპალიტეტის კულტურისა

და ახალგაზრდობის განვითარების ცენტრთან არსებულმა ქორეოგრაფიულმა ანსამბლმა „კოლხიდამ“ - სამხატვრო ხელმძღვანელი პაატა ბართია, ქორეოგრაფები: თეა მიქიაშვილი, ზაზა ჯანაშია, კახა ბართია;

სოხის მუნიციპალიტეტიდან - ქორეოგრაფიულმა ანსამბლმა: „კავკასიონი“ - ქორეოგრაფი მალხაზ მაკარაძე, „მართვე“, „აისი“ - ქორეოგრაფი ჯამბულ ქარდავა;




სენაკის მუნიციპალიტეტიდან - ქორეოგრაფიულმა ანსამბლმა: „ოცნება“ - ქორეოგრაფი ჯამბულ ქარდავა, „ლილე“ - ქორეოგრაფი მარია ქვარცხავა, „მეკვლე“ - ქორეოგრაფი ლაშა ქარჩავა, „კუჩხიბედიანი“, „მარდი“ - ქორეოგრაფი ზვიად გვასალია, „სენაკი“ - ქორეოგრაფები: გიორგი ბუკია, ზვიად გვასალია.

ყოფრემ, რომლის შემადგენლობაში შედიოდნენ - ყოფრის თავმჯდომარე საქართველოს ქორეოგრაფთა აკადემიის პრეზიდენტი ალექო ქართველიშვილი, წევრები - საქართველოს ქორეოგრაფთა აკადემიის საერთაშორისო დეპარტამენტის ხელმძღვანელი, ლატავრა ფოჩიანის სახელობის პრემიის ლაურეატი,

ქართული კულტურის ამაგდარი და დესპანი, ბრწყინვალეების ორდენის კავალერი, სახალხო-სანიმუშო ანსამბლ „ლომისის“ ქორეოგრაფი და სამხატვრო ხელმძღვანელი, თამარ მელიქიშვილი; ქართული კულტურისა და ქორეოგრაფიის ამაგდარის მედლისა და ბრწყინვალეების ორდენის კავალერი, აჭარის სიმღერისა და ცეკვის აკადემიურ ანსამბლ „არსიანის“ მთავარი ქორეოგრაფი, გიორგი ქანიშვილი; „სუბივილები“ ყოფილი სოლისტი, ქუთაისის სიმღერისა და ცეკვის ანსამბლის მთავარი ქორეოგრაფი შოთა ჟომკარიანი, გამოავლინა გრანპრის, პირველი, მეორე და მესამე ადგილების მფლობელი ქორეოგრაფიული ანსამბლები და საუკეთესო სოლისტის ნომინანტი.

ლონისძიებებს ესწრებოდნენ საქართველოს ხალხური ცეკვის სახელმწიფო დამსახურებული აკადემიური ანსამბლის ოქროს თაობის მოცეკვავე, ღირსებისა და ბრწყინვალეების ორდენების კავალერი, საქართველოს დამსახურებული არტისტი, სენაკის საპატიო მოქალაქე შალვა (ჯამუ) გარუჩავა, საქართველოს ქორეოგრაფთა აკადემიის გამგეობის წევრი, ქართული კულტურის მოამაგე, მურმან გამისონია, საქართველოს ხალხური ცეკვის სახელმწიფო დამსახურებული აკადემიური ანსამბლის ოქროს თაობის მოცეკვავე მელის გრიგოლია, ქორეოგრაფიული სფეროსა და საზოგადოების წარმომადგენლები.

„კუჩხიბედიანი 2021-ის“ საკონკურსო ნომრები შემდეგი კრიტერიუმებით შეფასდა: სადადგმო მიგნება, სოლისტის სამემსრულებლო მანერა და გამოხატულობა, სცენური კულტურა და ანსამბლურობა, მუსი-



კალური მიგნება შესაბამისი შინაარსობრივი დატვირთვით.

ყოფრის გადწყვეტილებით, „კუჩხიბედიანი - 2021-ის“ გრან-პრი წილად ხვდა ჯანო ბაგრატიონის სახელობის ფოთის ქორეოგრაფიულ ანსამბლს „ლაზიკა“ - სამხატვრო ხელმძღვანელი გიგლა თურქია, ქორეოგრაფები: მარინა ფხაკაძე, ლაშა და შოთა ჩოფლიანები.



ფესტივალ-კონკურსის პირველი ადგილის მფლობელი გახდა ზუგდიდის მუნიციპალიტეტის ხელოვნებისა და კულტურის განვითარების ცენტრის ბავშვთა და მოზარდთა სახალხო ქორეოგრაფიულმა ანსამბლმა „ცისკარი“ - სამხატვრო ხელმძღვანელი რომეო ბულია, ქორეოგრაფები: მაკა გვიჩია, რობერტ ბულია.

„კუჩხიბედიანი - 2021-ის“ მეორე ადგილი მოიპოვა მარტვილის მუნიციპალიტეტის კუ-

ლტურისა და ახალგაზრდობის განვითარების ცენტრთან არსებულმა ქორეოგრაფიულმა ანსამბლმა „კოლხიდამ“ - სამხატვრო ხელმძღვანელი პაატა ბართია, ქორეოგრაფები: თეა მიქიაშვილი, ზაზა ჯანაშია, კახა ბართია. ფესტივალ-კონკურსის მესამე ადგილის მფლობელი გახდა სენაკის მუნიციპალიტეტის საბავშვო ქორეოგრაფიული ანსამბლი „ოცნება“ - ქორეოგრაფი ჯამბულ ქარდავა.

ლეგენდარული სუბივილების ოქროს თაობის მოცეკვავის, ღირსებისა და ბრწყინვალეების ორდენების კავალერის, საქართველოს დამსახურებული არტისტის, შალვა (ჯამუ) გარუჩავას სახელობის ქართული ხალხური ცეკვების ფესტივალ-კონკურსის „კუჩხიბედიანი - 2021-ის“ საუკეთესო სოლისტის ტიტული წილად ხვდა ჯანო ბაგრატიონის სახელობის ფოთის ქორეოგრაფიულ ანსამბლ „ლაზიკას“ სოლისტს, ზაზა მალაზონიას.

ფესტივალის მონაწილე ქორეოგრაფიულ ანსამბლებს გადაეცათ პრიზები და დიპლომები.

„კუჩხიბედიანი 2021“ ტატა სიჭინავას მიყავდა.

ფესტივალ-კონკურსი „კუჩხიბედიანი 2021“ რეგულაციების დაცვით ჩატარდა და თავის მრავალრიცხოვან გულშემატკივარს მომავალ წლამდე დაემშვიდობა.

ა. აპიზია

სპორტი

ძიუდო

8-30 მაისს ქ. გურჯაანში დასრულდა ლ. მღებრიშვილის სახელობის საერთაშორისო ტურნირი ძიუდოში 2006-2008 და 2009-2011 წლებში დაბადებულ კადეტთა შორის. ტურნირში წარმატებით იასპარეზეს სენაკის სასპორტო გავრთიანების სასპორტო სკოლის მოსწავლეებმა: ალექსი გულუამ (30 კგ. ნ / კ.) და ილია გარუჩავამ (42 კგ. ნ / კ.) დაიკავეს მეორე ადგილი. მწვრთნელ- მასწავლებლები: გელა ხარბედია და უჩა ჯღარკავა.

ვულოცავთ გამარჯვებულ სპორტსმენებს და ვუსურვებთ წარმატებებს.

მაგიდის ჩოგბურთი

სენაკის მაგიდის ჩოგბურთის კლუბში სენაკის სასპორტო გავრთიანების, სასპორტო სკოლის მწვრთნელ - მასწავლებლის კობა ჩხიკვაძის ორგანიზებით ჩატარდა ორი ტურნირი, რომელიც მიემდგვნა საქართველოს დამოუკიდებლობის დღეს. ტურნირში გოგონათა შორის მონაწილეობდა თბილისის, სენაკის, ფოთის და ლაგოდეხის 18 სპორტსმენი, რომელთა შორის ადგილები შემდეგნაირად გადანაწილდა: პირველი ადგილი დაიკავა ნათია კაციტაძემ (თბილისი.) მეორე ადგილი - ანა ლეინჯილიამ (სენაკი.) მესამე ადგილზე კი მარი ტყეშუჩავა გავიდა. (სენაკი.)

„ელიტ-ლიგის“, მე-5 გათამაშების შედეგები ასეთია: პირველი ადგილი კობა

ჩხიკვაძე (სენაკი.), მეორე ადგილი ოთო თაბუკაშვილი (თბილისი.). მესამე ადგილი დათო გვეგნავა (სენაკი.)

გამარჯვებულები დაჯილდოვდნენ სიგელებით.

ტურნირი ჩატარდა რეგულაციების სრული დაცვით. ყველა მონაწილემ გაიარა თერმოსკრინინგის პროცედურა.

ვულოცავთ მათ გამარჯვებულს და ვუსურვებთ წარმატებებს.

ირინა გაბუა,

სენაკის სასპორტო გავრთიანების, სასპორტო სკოლის საზოგადოებასთან ურთიერთობის სპეციალისტი



ქალთა ტურნირი ქართულ ჭიდაობაში



პირველად საქართველოში 17 ივნისს აჭარაში, ხელვაჩაურის რაიონის სოფელ ახალსოფელში ჩატარდა, ქალთა ტურნირი ქართულ ჭიდაობაში 2008-2009 წლებში დაბადებულ ქალთა შორის. ტურნირში იასპარეზეს სენაკის სასპორტო გავრთიანების, სასპორტო სკოლის მოჭიდავე ძიუდოსტებმა, ასახელეს სენაკი და 2 ოქროს და 1 ბრინჯაოს მედალი მოიპოვეს. პირველი ადგილები დაიკავეს, ანანო კინწურაშვილმა და მარი ფარულავამ.

მეორე ადგილი მოიპოვა ნინო მამულიამ. გამარჯვებული სპორტსმენები დაჯილდოვდნენ შესაბამისი ხარისხის მედლებით, დიპლომებით და ფასიანი საჩუქრებით. ტურნირში მონაწილე სამივე სპორტსმენი საქართველოს ნაკრების წევრები გახდა.

მწვრთნელ - მასწავლებლები: გელა ხარბედია და უჩა ჯღარკავა. ვულოცავთ სპორტსმენებს და მათ მწვრთნელებს, უდიდეს გამარჯვებას და ვუსურვებთ წარმატებებს შემდგომ ასპარეზობებზე.

ტაეკვანდო

4-6 ივნისს, ქ. ბათუმში ჩატარდა საქართველოს ეროვნული ჩემპიონატი - ტაეკვონდოს ოლიმპიურ სახეობაში.

ტურნირში იასპარეზეს სენაკის სასპორტო გავრთიანების სასპორტო სკოლის ტაეკვონდოს ჯგუფის სპორტსმენებმა: ანი უბილაძემ, ნიკოლოზ ჯოჯუამ და ლუკა ნინუამ.

ნორჩმა სპორტსმენებმა მესამე საპრიზო ადგილები მოიპოვეს.

ტურნირში გამარჯვებულები დაჯილდოვდნენ შესაბამისი ხარისხის მედლებით და დიპლომებით. მწვრთნელ- მასწავლებლები: მორის სანაია და ელისო გურგენიძე.

ანი უბილაძეს, ნიკოლოზ ჯოჯუას და ლუკა ნინუას ვულოცავთ მოპოვებულ გამარჯვებას.



პანდემია და რეალობა

დღევანდელი ნომრის სტუმარია სენაკის საზოგადოებრივი ჯანდაცვის ცენტრის ხელმძღვანელი ქალბატონი ანა ჭიჭაღა, რომელიც გვესაუბრება ჩვენს ქალაქში არსებული ეპიდემიოლოგიური ვითარების შესახებ.

ქალბატონო ანა, რამდენადაც ცნობილია პანდემიის პირობებში საზოგადოებრივი ჯანდაცვის ცენტრი სენაკის განყოფილება საკმაოდ შრომატევად და რთულ სამუშაოებს ეწევა, როგორ შეძელით გამკლავებით ამ სიძნელეებს და გამოწვევებს.

როგორც ყველასთვის ცნობილია, პანდემიამ მოიცვა მთელი მსოფლიო და შეცვალა ჩვენი ცხოვრების რეალობა. ეს პერიოდი ურთულესი აღმოჩნდა თითოეული ადამიანისთვის, განსაკუთრებით რთულია ჯანდაცვის სფეროს წარმომადგენლებისთვისა და მედ. პერსონალისთვის. ეს იყო ბრძოლა სიკვდილ-სიცოცხლესთან.

სენაკის მუნიციპალიტეტის საზოგადოებრივი ჯანდაცვის ცენტრი საკმაოდ შრომატევად და რთულ სამუშაოს ეწევა და ურთულესი მუშაობის რეჟიმშია ჩართული. პანდემიის დაწყების დღიდან დღემდე ვმუშაობთ აქტიურად. მიმდინარეობს გეგმიური და არაგეგმიური კონტიგენტის სწრაფი ანტიგენითა და პისიარ ტესტირება. გეგმიური შ.ს.ს. თანამშრომლებზე, მედ პერსონალზე, პედაგოგებზე, სააღმზრდელო და საგანმანათლებლო დაწესებულებების თანამშრომლებზე, რელიგიის მსახურებზე, ტაქსის მძღოლებზე, სიმპტომიან

და თვითდინებით მოსულ ბენეფიციარებზე. აქტიურად მიმდინარეობს პაციენტებისა და მათი კონტაქტების მოკვლევა. ჩვენი თანამშრომლები მართლაც რომ თავდაუზოგავად ვშრომობთ ყველა ადამიანის ჯანმრთელობის შენარჩუნებისა და ქვეყნის დასაცავად.

როგორია ბოლო მონაცემებით ეპიდემიოლოგიური მდგომარეობა სენაკის მუნიციპალიტეტში.

ბოლო მონაცემებით სენაკის მუნიციპალიტეტში ეპიდემიოლოგიური მდგომარეობის მხრივ სიტუაცია გაუმჯობესებულია. შედარებით შემცირდა covid 19-ის ვირუსით დაინფიცირებული პაციენტების რაოდენობა, შესაბამისად თვითიზოლაციაში მყოფი ადამიანების რაოდენობაც შემცირებულია. პანდემიის დაწყების დღიდან დღემდე გვექონდა 3355 დადებითი შემთხვევა. სამწუხაროდ მათგან 47 ადამიანი გარდაცვლილია, აქტიურ ფაზაში იმყოფება 25 ადამიანი, თვითიზოლაციაში – 28, გამოჯანმრთელებულია 3283 ადამიანი.

დაფიქსირდა თუ არა სენაკის სინამდვილეში კორონავირუსის ახალი შტამები. და არის თუ არა ადგილზე მათი გამოკვლევის შესაძლებლობა.

სენაკის მუნიციპალიტეტში კორონავირუსის ახალი შტამები არ არის დაფიქსირებული. საეჭვო სიტუაციის შემთხვევაში გვაქვს შესაძლებლობა ნიმუშები ავიღოთ და გადავაგზავნოთ შესაბამის სამედიცინო დაწესებულებაში სადაც მოხდება ახალი შტამების განსაზღვრა.


იგეგმება თუ არა თანამშრომლების გადამზადება და დატრენინგება და აკმაყოფილებს თუ არა სამსახური თავისი ინვენტურითა და სამედიცინო აღჭურვილობით სათანადო მოთხოვნებს.

ჩვენ ვცხოვრობთ ვირუსებისა და ბაქტერიების საუკუნეში, რაც თავისთავად ზრდის მათი გავრცელების რისკებს. სენაკის საზოგადოებრივი ჯანდაცვის ცენტრის თანამშრომლების რაოდენობა, ამჟამინდელი მდგომარეობით, სრულიად აკმაყოფილებს მოთხოვნებს და არ არის გათვალისწინებული შტატების გაზრდა.

პერიოდულად გავდივართ საჭიროების მიხედვით თანამშრომლების გადამზადებასა და დატრენინგებას. სამსახურში არსებული ინვენტარი და სამედიცინო აღჭურვილობა აკმაყოფილებს სათანადო მოთხოვნებს.

თქვენ როგორც ჩვენი ქალაქის ყველაზე საპაზიუმგებლო სამსახურის ხელმძღვანელი, რას ურჩევთ და უსურვებთ მუნიციპალიტეტის მოსახლეობას.

სენაკის მუნიციპალიტეტის მოსახლეობას მივმართავ თხოვნით, გამოიჩინონ მეტი გულისხმიერება, ყურადღება, მაქსიმალურად დაიცვან ყველა ის რეკომენდაცია, რაც ჯანდაცვის სამინისტროს მიერაა მოწოდებული. დახურული სივრცეში ატარონ პირბადე, დაიცვან დისტანცია,



ხშირად დაიბანონ და დაიმუშაონ ხელები სადეზინფექციო საშუალებებით. ახალი რეკომენდაციით ღია სივრცეში პირბადის ტარების აუცილებლობა მართალია მოიხსნა, მაგრამ ეს არ ნიშნავს სხვა, ზემოთ აღნიშნული მონოდებული მოთხოვნების არ გათვალისწინებას.

როგორც ავლნიშნეთ, პანდემია მსოფლიო პრობლემაა ის აუცილებლად დაიძლევა და დასრულდება თუ თითოეული ჩვენთაგანი გავითავისებთ, მოვინდომებთ და განვახორციელებთ ყველა მონოდებულ მოთხოვნას, რეკომენდაციას და აუცილებლად ჩავერთვებით იმუნიზაციის პროცესში.

ა. შაბათაია

საპატიო წოდება

საქართველოს კულტურისა და სელოვნების კავშირის „არტ-ფოლკის“ გადაწყვეტილებით, ქართული კულტურის, სელოვნების პოპულარიზაციისა და მისი განვითარების საქმეში შეტანილი წვლილისათვის, სენაკის მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილების უფროსი, თეა გრიგოლია „სელოვნების ალამდარის“ საპატიო წოდებით დაჯილდოვდა.

კულცაკო!

ჩვენს კოლეგას, სენაკის მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილების უფროს ქალბატონ თეა გრიგოლიას ვულოცავთ საპატიო ტიტულს – „სელოვნების ალამდარის“ წოდებას.

სულით და გულით გვინდა გისურვოთ ახალი წარმატებები, ძალა და ძლიერება, რომელიც სიახლეების წვდომით და მიზანდასახულობით მიიღწევა. გილოცავთ და გვჯერა რომ თქვენი ბიოგრაფია კვლავაც ახალი ფურცლებითა და ღირსახსოვარი ფაქტებით შეივსება.

გაზაით „კოლხეთის“ რედაქცია



შეზღუდვები შემსუბუქდა

კოვიდპანდემიის გამო დაწესებული შეზღუდვების ნაწილი გაუქმდა – ცვლილებები პირბადის ტარებასა და ე.წ. „კომენდანტის საათს“ შეეხო. 22 ივნისიდან, ქუჩაში პირბადის გარეშე სიარულის გამო აღარ დაგაჯარიმებენ, თუმცა, დახურულ სივრცეებში მისი ტარება ისევ სავალდებულოა. 1 ივლისიდან მოიხსნება „კომენდანტის საათიც“, თუმცა, კაფეები, რესტორნები და სხვა გასართობი ობიექტები მხოლოდ ღამის 00:00 საათამდე იმუშავებენ.

რა შეზღუდვები მოიხსნა და რა პირობებით საკოორდინაციო საბჭოს გადაწყვეტილებით, დღიდან მოიხსნა და მხოლოდ რეკომენდაციად რჩება პირბადის ტარების ვალდებულება ღია სივრცეში. თუმცა, გამონაკლისია საზოგადოებრივი ტრანსპორტის გაჩერებები – აქ პირბადე ისევ უნდა გექვეთ. სხვა დახურულ სივრცეებში პირბადის ტარება ისევ სავალდებულოა.

„გასაგებია, რომ პირბადე აუცილებელი არ იქნება გარე სივრცეებში, მაგრამ ის რეკომენდებულია. ამიტომ, ვისაც უნდა და მიზანშეწონილად მიიჩნია, მან უნდა ატაროს და გეტყვი, რომ მიზანშეწონილია ჯერჯერობით პირბადე ვატაროთ“, – განაცხადა დაავადებათა კონტროლის ეროვნული ცენტრის დირექტორმა ამირან გამყრელიძემ.

ქუჩაში პირბადის ტარების ვალდებულება ბოლო რამდენიმე თვის განმავლობაში მოქმედებდა. წესის დარღვევისთვის მოქალაქე 20 ლარით ჯარიმდებოდა.

1 ივლისიდან გაუქმდება კომენდანტის საათიც. მაგრამ, შეზღუდვები ისევ რჩება კვების ობიექტებსა და გასართობ დაწესებულებებთან მიმართებით.

საკოორდინაციო საბჭოს გადაწყვეტილებით, კვების ყველა ობიექტი: კაფე, რესტორანი, სასტუმროს რესტორანი, ასევე, გასართობი დაწესებულებები, რომლებიც დაკავშირებულია კვებასთან, ღამის 00:00 საათამდე იმუშავებენ.

კომენდანტის საათი, ანუ აკრძალვა გადაადგილებაზე, საქართველოში ნახევარ წელიწადზე მეტია რაც მოქმედებს. 23:00 საათიდან 04:00 საათამდე ქუჩაში გადაადგილება აკრძალულია.

„უნდა ვიპოვოთ ოქროს შუალედი და გავიაროთ დანის წვერზე“, – ასე აფასებს ამირან გამყრელიძე შეზღუდვების შემსუბუქებას.

მისი შეფასებით, ამ შეზღუდვებით ერთი მხრივ არ უნდა გაუარესდეს ეპიდსიტუაცია და მეორე მხრივ, განვითარების შესაძლებლობა უნდა მიეცეს ეკონომიკასა და ტურიზმს.

ყველა პრობლემას მავინყებენ



შვილები უფლის ყველაზე დიდი საჩუქარია, დედობა კი უდიდესი პასუხისმგებლობის გრძნობა. პასუხისმგებლობა ორმაგად იზრდება როცა ტყუპები იბადებიან.

2021 წლის 21 თებერვალს ქეთევან ქაჩიბაიასა და კახა ბოხუას ოჯახში ტყუპები დაიბადნენ: ელე და მია ბოხუები. პატარები უკვე ოთხი თვის არიან, თავიანთ ენაზე ლულუნებენ, „ცელქობენ“ კიდევ.

როგორც პატარების დედა ამბობს: „სირთულეების მიუხედავად ძალიან დიდი ბედნიერებაა ტყუპი შვილების ყოლა. დაღლა და ყველა პრობლემა მავინყდება, როცა თავისი პანანინა ხელებით გეპოტინებიან, გიცინიან, თავისებურად „გობრაზდებიან“. ეს ძალიან მამბედნიერებს“.

ვუსურვებთ ელე და მია ბოხუებს ბედნიერ ბავშვობას, გაიზარდეთ უფალმა ჭკვიან, ძლიერ და სახელოვან ქართველებად.

ა. შონია

ყველა დაბრკოლება - პროფესიის სიყვარულმა დამაძლევინა

ქართული ხალხური ცეკვები და სიმღერები, როგორც უმაღლესი კულტურული ღირებულება თაობიდან თაობას უნდა გადაეცეს. ეს ფასდაუდებელი განძი სათუთ მოპყრობასა და დაცვას მოითხოვს. ორ ათეულ წელზე მეტია წელია სენაკში ამ ფრიად კეთილშობილ საქმეს ემსახურება ზვიად გვასალია, რომელიც ხელმძღვანელობს მისივე დაარსებულ ქორეოგრაფიულ ანსამბლ „კუჩხიბედინერს“. ივნისის თვეში, საქართველოს კულტურისა და ხელოვნების კავშირის „არტ-ფოლკის“ გადამწყვეტილებით, ქორეოგრაფიული ხელოვნების განვითარების საქმეში შეტანილი დიდი წვლილისა და საცეკვაო ხელოვნების სფეროში ხანგრძლივი, შემოქმედებითი და ნაყოფიერი მოღვაწეობისთვის, შალვა (ჯამუ) გარუჩავას სახელობის ქორეოგრაფიული სტუდია „კუჩხიბედინერის“ სამხატვრო ხელმძღვანელს, ფესტივალ-კონკურსის დამფუძნებელს, ზვიად გვასალიას, „ხელოვნების ალამდარის“ საპატიო ნოდება მიენიჭა. სენაკში მოღვაწე ხელოვანი ასევე არჩეულ იქნა საქართველოს ქორეოგრაფთა აკადემიის წევრად.

ნიჭიერი, შრომისმოყვარე, სხვებისგან გამორჩეული ქორეოგრაფი ზვიად გვასალია დღეს ჩვენი სტუმარია.

ბატონო ზვიად, სენაკის სიმღერისა და ცეკვის სახელმწიფო ანსამბლში თქვენ ითვლებოდით ცეკვა „ქართულის“ უბადლო შემსრულებლად. როგორ გაიხსენებთ გასულ წლებს?

სენაკის სიმღერისა და ცეკვის სახელმწიფო ანსამბლში გატარებული წლები ჩემი ცხოვრების ერთ-ერთი ნაყოფიერი და გამორჩეული პერიოდია. ანსამბლში მივიღე უდიდესი გამოცდილება, რაც დამეხმარა შემდგომი პროფესიული სრულყოფის კუთხით. დღემდე, საინტერესო და დატვირთული წლებით მოვედი...

რომელ წელს დაფუძნდა ანსამბლი „კუჩხიბედინერი“; რა სიძნელეები გქონდათ თავდაპირველად ანსამბლის ჩამოყალიბების დროს?

ყველაფერი 1997 წელს, ცეკვის უსაზღვრო სიყვარულიდან დაიწყო...

მშობლიურ ქალაქში დავაფუძნე ბავშვთა ქორეოგრა-



ფოლკლორულ, საერთაშორისო, კოლხურ-ლაზურ ფოლკლორული ცეკვისა და სიმღერის ფესტივალ-კონკურსებში.

ანსამბლი „კუჩხიბედინერი“ დაჯილდოებულია სიგელებით, დიპლომებით, მედლებით, არაერთგზის - ლაურეატის ნოდებით.

სენაკის მუნიციპალიტეტის კულტურულ ცხოვრებაში პირველი გრან-პრის მფლობელი

2013 წელს, ბულგარეთში გამართულ საერთაშორისო ფესტივალზე, ანსამბლ „კუჩხიბედინერს“ წილად ხვდა პირველი ადგილი.

2015 წელს, ზვიად გვასალიამ, სენაკში, შალვა (ჯამუ) გარუჩავას სახელობის ქართული ხალხური ცეკვების ფესტივალ-კონკურსი დააფუძნა და ანსამბლ „კუჩხიბედინერს“ მიენიჭა მისი სახელი.

დაარსებიდან დღემდე ანსამბლში ქორეოგრაფიის ხელოვნებას 6000-მდე მოზარდი დაეუფლა.

2008 წლიდან დღემდე, ქორეოგრაფიულ ანსამბლ „კუჩხიბედინერის“ მიერ დაფართიანებული მოცეკვავეები საქართველოს ფარგლებსა და საზღვარგარეთ წარმატებით მოღვაწეობენ.

სენაკის სინამდვილეში, წელს, პირველად, ქუჯის ისტორიულ ციხე-ქალაქში, შალვა (ჯამუ) გარუჩავას სახელობის სახალხო ქორეოგრაფიულ ანსამბლ „კუჩხიბედინერის“ მოცეკვავეებმა ფიცი დადეს.

„კუჩხიბედინერმა“ რეგიონში სამართლიანად დაიმკვიდრა წარმატებული ანსამბლის სახელი - რა არის თქვენი წარმატების საიდუმლო?

„კუჩხიბედინერს“ საკუთარი ნიშა აქვს, მისეული ხედვა და ხელნერა... მან დაიმკვიდრა ადგილი, გაუძლო დროს, სირთულეებს, კრიტიკას და ორ ათეულ წელზე მეტია სხვადასხვა, განახლებული ვარიაციებით, ხიბლავს მაყურებელს და ანსამბლის მრავალრიცხოვან გულშემმატკივარს... წარმატების საიდუმლო კი მხოლოდ და მხოლოდ თავდაუზოგავ შრომაში, საქმისა და თაობების სიყვარულშია...

რა სიძნელეები ჰქონდა ანსამბლს პანდემიის დროს?

როგორც ყველა ანსამბლმა და ხელოვანმა, ჩვენც რთული პერიოდი გამოვიარეთ, თუმცა ონლაინ რეჟიმში მუშაობა არ შეგვიწყვეტია... ბუნებრივია, ონლაინ რეპეტიციები სასურველ შედეგს არ იძლევა, მაგრამ ერთ ადგილას გაჩერებაც, დაუშვებელია...



როგორია თქვენი, როგორც ქორეოგრაფის, როგორც ანსამბლის ხელმძღვანელის სამომავლო გეგმები...

წინ არაერთი საინტერესო პროექტი, ფესტივალი, გასვლითი ტურნეა, სადაც ანსამბლი თავის ღირსეულ სათქმელს კვლავაც იტყვის...

ჩემი უმთავრესი მიზანია, მოზარდი არა მარტო ქართული ცეკვის ხელოვნებას დავაუფლო, არამედ აღზარდო ტრადიციების სიყვარულით, ეროვნული სულისკვეთებით...

აქვე მინდა მადლობა ვუთხრა ბავშვების, ახალგაზრდა თაობის მშობლებს, რომლებიც ზრუნავენ თავიანთი შვი-

ლების ნიჭისა და შესაძლებლობების წარმოჩენაზე. რომ არა მათი თანადგომა, ალბათ გამიჭირდებოდა შექმნა იმ სიძნელეებთან, რომელიც თან ახლავს რეპეტიციებს, გასვლით კონცერტებს, ფესტივალებს.

რედაქციის სახელით ვულოცავთ ბატონ ზვიად გვასალიას დამსახურებული საპატიო ტიტულის „ხელოვნების ალამდარის“ ნოდებას. ვუსურვებთ ჯანმრთელობას, დაოჯახებას, ახალ-ახალ წარმატებებს, არასოდეს დაჰკარგოდეს ანსამბლ „კუჩხიბედინერს“ საკუთარი ნიშა და ხელნერა.

მაია გიგიაია



ფიული ანსამბლი „კუჩხიბედინერი“.

მართალია, თავდაპირველად იყო სიძნელეები, მაგრამ ხელოვნებისადმი და ჩემი პროფესიისადმი უდიდესმა სიყვარულმა დამაძლევინა ყველა დაბრკოლება.

პირველი წარმატებული დებიუტის შემდეგ, ანსამბლმა განვითარების მნიშვნელოვანი ეტაპები განვლო, რამაც შემოქმედებით საზოგადოებაში საკუთარი ადგილის დამკვიდრება განაპირობა.

განვლილი 24 წლის მანძილზე, ქორეოგრაფიულმა ანსამბლმა მონაწილეობა მიიღო ფოლკლორის, საესტრადო ხელოვნების, ქორეოგრაფიული ხელოვნების, რესპუბლიკურ,

„კუჩხიბედინერი“ გახდა.

ქორეოგრაფიული ანსამბლი სამგზის გრან-პრის მფლობელია - ორგზის გრან-პრი ქობულეთში გამართულ საერთაშორისო ფესტივალზე მოიპოვა, შემდეგ კი - თურქეთის ქალაქ რიზეში გამართულ საერთაშორისო ფესტივალზე.

დაარსებიდან დღემდე ანსამბლის მიერ მოპოვებულ წარმატებათა შორის ასევე აღსანიშნავია შემდეგი მნიშვნელოვანი მიღწევები:

2012 წლის 23 დეკემბერს, საბავშვო ქორეოგრაფიულ ანსამბლ „კუჩხიბედინერს“, „სანიმუშო საბავშვო სახალხო ქორეოგრაფიული ანსამბლის“ ნოდება მიენიჭა.

ბადრი კუპრეიშვილი



ცხოვრობდა, ქმნიდა, აშენებდა... თავის სიტყვას ამბობდა ბიზნესის სფეროში. საზოგადოებაში ენდობოდნენ, ზრუნავდა მოსახლეობის გარკვეული ნაწილის დასაქმებაზე. ლამაზი ოჯახის თავკაცი იყო. მისი მოსიყვარულე გული ყველაფერს იტევდა შვილებზე, მეუღლეზე, შვილიშვილებზე, ახლობლებზე მზრუნველობას, მოკეთე-მოყვასისათვის ხელის განვდენას, მეგობრების უზომო ერთგულებას. ნაადრევად წავიდა ამქვეყნიური ცხოვრებიდან. სწორედ მის მსგავს ადამიანებზე უთქვამთ. „დიდხანს

და დიდხანს იქნებიან საქმენი მისნი ჩვენდა საოხად, სიტყვანი მისნი ჩვენდა ანდერძად და ხსენება მისნი ჩვენდა სანვრთნელად“... დასანანია, რომ ამიერად სენაკის ქუჩებში ჩვეული სიდარბაისლით აღარ ივლის ბადრი კუპრეიშვილი. ის ჭეშმარიტად დააკლდა ქალაქს, საზოგადოებას, ოჯახს. მსუბუქი იყოს მისთვის მშობლიური სენაკის მიწა.

ბაზეთ „კოლხეთის“ რედაქცია

სენაკის მუნიციპალიტეტის მერია მწუხარებას გამოხატავს ღირსეული სენაკელის, გამორჩეული ოჯახის საამაყო თავკაცის, საიმედო მეგობრისა და კეთილშობილი ადამიანის **ბადრი კუპრეიშვილის** გარდაცვალების გამო და უსამძიმრებს მუნიციპალიტეტის მერს ლევან კუპრეიშვილს, ოჯახს, ახლობლებს ამ დიდ დანაკლისს. დასანანია, რომ ბადრი კუპრეიშვილის სახით სენაკმა დაკარგა კოლორიტული და საამაყო მოქალაქე, კიდევ ერთი გამორჩეული შვილი. უფალმა სასუფეველი დაუმკვიდროს მის სიკეთით სავსე სულს

სენაკის მუნიციპალიტეტის საკრებულო თანაუგრძნობს სენაკის მუნიციპალიტეტის მერს ლევან კუპრეიშვილს მამის **ბადრი კუპრეიშვილის** გარდაცვალების გამო. სენაკის „საინფორმაციო ცენტრის“ თანამშრომლები მწუხარებას გამოთქვამენ ღირსეული სენაკელის **ბადრი კუპრეიშვილის** გარდაცვალების გამო და სამძიმარს უცხადებენ განსვენებულის ოჯახს.

წერილი მამაზე - ვიარსლავ (სლავა) ბარუჩაშვილზე

ოთხი წელი გავიდა მამაჩემის - ვიარსლავ (სლავა) ბარუჩაშვილის გარდაცვალებიდან, რომელიც მოუშუშებელ ტკივილად რჩება ჩვენი ოჯახის მესხიერებაში, დღენიდავ გვიძიძხ მისი არყოფნა, მონატრება მოგონებებით დაგვირგვინებულ ნოსტალგიას ბადებს, ნოსტალგიას, რომელიც შვებას მისი განვლილი ცხოვრების წარმოსახვაში პოვებს...

მინდა ჩემს მიერ ადრეულ ასაკში დანახული მამის სახე გადმოვიღო ფურცელზე და ორიოდე სიტყვით წარმოვადგინო ცალკეული ცხოვრებისეული ეპიზოდები...

ბავშვობა, ადამიანის ის სოციალური მდგომარეობაა, რომლის ფაქტი სულს „დალივით“ აჩნდება თითოეული მნიშვნელოვანი მომენტი მისი ამ ჯადოსნური დროის მონაკვეთისა. როდესაც ბავშვობის წლებს ვიხსენებ, ბევრი რამ მაგონდება, დალეკილი მესხიერება უცებ ამოძრავდება, აიშლება, აიძვრება და ბოლოს იმ წყალქვეშა შლამის კორიანტელს დაემსგავსება, რომელიც ბევრ ჩვენგანს ექნება ნანახი წყალში ყვინთვისას თვალგახელილ მდგომარეობაში... პირველი რაც ამ ფიქრთა ქაოსში იფლტრება და ზემოთ ილექება - მშობლებია, რომელთა ჯავშანიც - მზრუნველობითი ხელი, სიკვილაძე დაჰყვება ადამის მოდგმას. ასე გავიდა წლები, ათწლეულები და ცხოვრებისეული გამოწვევების სირთულეების ფონზე, მონატრება უზრუნველი წარსულისა, კიდევ უფრო მძაფრდება. უზრუნველობის ერთ-ერთი ძირითადი წყარო დედასთან ერთად ხომ მამაა, რომელზედაც დადებულია ოჯახური კეთილდღეობის შექმნის არც თუ ისე მარტივი ტვირთი, პოდა ამ ტვირთს ბოლომდე მხნედ ატარებდა მამაჩემი, რომელიც ოჯახისთვის თავდაუზოგავი ზრუნვით გამოხატავდა დიდ სიყვარულს თითოეული მისი ნევრის მიმართ. არ მინდა სტანდარტული ვიყო მისი ბიოგრაფიის გადმოცემისას, აქ არ მოვიყვან დაბადებიდან გარდაცვალებამდე მოღვაწეობის ქრონოლოგიურ ჩამონათვალს, მხოლოდ ბავშვობის მოგონებების რამდენიმე ეპიზოდით მინდა შემოვიფარგლო და ამით ვამოგზაურო ამქვეყნიურ ყოფაში მისი პიროვნება.

ვიხსენებ (ოთხი თუ ხუთი წლის ასაკში), ჩემს მიერ დანახული მამაჩემის სახეს, მის გაბრწყინებულ თვალებს, ჩემი ცქერით კმაყოფილ მამა-შვილურ ემო-



ციას... საბავშვო ბაღში ყოფნისას, საღამო საათებში იწყებოდა მოლოდინი მშობლისა, იყო მომენტები, როდესაც მამა მაკითხავდა, ჩემს სიხარულს საზღვარი არ ჰქონდა - მისი მოახლოვებისას მოვწყდებოდი რიგს, სირბილით მივვარდებოდი მას, ანთებული გრძნობით გადავხვევოდი, თითქმის ირგვლივ ვერავის და ვერაფერს ვხედავდი... იმდენად დიდი იყო მშობლის მიმართ ჩემი ბავშვური განცდა.

მამა ბავშვობაში ერთგვარი მეოხი (დამცველი) იყო და მუდამ ჩემს ვნებებს ლობობრებდა ოჯახის სხვა წევრებთან - მინდოდა გარეთ სათამაშოდ გასვლა? - გვერდით მედგა. არ იყო მკაცრი, მაგრამ მისი პიროვნება რიგს ინევედა. მას მუდამ გულთან მიქონდა ჩემი პრობლემები - მახსოვს, ასე ექვსი წლის ვიქნებოდი, როდესაც თამაშისას ცერა თითი დავიზიანე, დამჭირდა ქირურგიული ჩარევა, თვითონ ესწრებოდა ამ მცირე ოპერაციას, მამხნევებდა, ბავშვურ შიშებს მიქარებდა, ოპერაციის მსვლელობისას კი თვითონ გახდა ცუდად - ვერ გაუძლო ჩემს წუხილს.

სიყვარული აასმაგებს სიფრთხილეს ობიექტის მიმართ და არც ჩვენს მამა-შვილურ ურთიერთობაში იყო გამონაკლისი - მუდამ მარიგებდა ხიფათს არ გადავყროდი, განსაკუთრებით მდინარის ემინოდა, ვინაიდან ეზოს ბავშვებთან ერთად ხშირად გავპარულვარ. მოვიყ-

ვან ერთ შემთხვევას - მყავდა მეგობარი (ვიქნებოდი რვა ან ცხრა წლის), რომელთანაც მქონდა განსაკუთრებული დამოკიდებულება - მუდამ ერთად ვთამაშობდით, ჩავდიოდით ბავშვურ სიცელქეებს, მათ შორის, „აკრძალული ხილიც“ კი ბევრჯერ მოგვიკრფოდა, ერთ დღითაც გავიპარეთ მდინარეზე საბანაოდ, გვიანობამდე გაგძელდა ჩვენი „ოღისეა“, მოგვიკითხეს, მოგვიძიეს, მაგრამ არსად ვჩანდით, ბოლოს მამაჩემმა გადაწყვიტა მდინარეზე მოვეძებნე, ის იყო წამოვიდა, როდესაც გზაზე წაანყდა ჩემს მენყვილ მეგობარს, მართოდ მომავალს, დაზაგრულს, აშკარად რომ ეტყობოდა მდინარის კვალი, გაუხარდა რომ ნახა, მაგრამ ამავე დროს შეცბა, შეშინდა, დაინახა რა მისი დაბმული სახე - მიკითხა, როდესაც პასუხად მიიღო თითქოს მას იმ დღეს საერთოდ არ ვენახე, კაცი გაშრა, დრო გაჩერდა, უცბად ტრაგედია წარმოიდგინა... სინამდვილეში კი უკან მოვდიოდი სიფრთხილით, რომ მამაჩემს არ დავენახე და არ დავეტუქსე. ეხლაც თვალწინ მიდგას მისი გამოხედვა, გამონეული შიშნარევი ემოციური გრძნობით, ესეც ხომ რალაც უხილავია და შეუცნობელი.

ზაფხულობით მე და ჩემი და არდაგებს ნოქალაქევი, მითან გარემოში ვატარებდით ოჯახის მეგობართან, მამა მუშაობდა, ჩვენთან ხანგრძლივად ვერ ახერხებდა ყოფნას, პერიოდულად - შაბათ-კვირაობით გვაკითხავდა, გვანებებოდა მოულოდნელობებით - ლაშქრობებით, ათას ტკბილულს ამოგვიტანდა, მშობლის ალერსს არ გვაკლებდა. მახსოვს, კვირიდან -კვირამდე ჩემი მოლოდინი, დღეებს ვითვლიდი, როდის დადგებოდა შაბათი, მანქანის ხმას ვაყურადებდი, აი, მამაჩემის მანქანის ხმა მომესმათქო, არ მაინყდება მისი სახე, შესხედრისას განცდილი თითოეული ემოცია.

ეპიზოდები კიდევ ბევრია, მისი მოყვანა გაცდებდა წერილი- ჩანახატის ფორმას - უბრალოდ მინდოდა ბავშვური ემოციით დამენახებინა აუდიტორიისთვის მამაჩემის სახე, რადგანაც ბავშვობა არის დროის ის ანარეკლი, რომელსაც შეუძლია წარმოაჩინოს გულუბრყვილო, მართალი და ნათელი სახე ადამიანისა.

გიორგი ბარუჩაშვილი

„რაც ერთხელ ცხოვლად სულს დააჩნდებინს...“



ცხოვრების ყველაზე ტკბილი მოგონება ბავშვობაა და განსაკუთრებით, წლები, როცა დანყებით ეტაპს ამთავრებ და სხვა რეალობის წინაშე აღმოჩნდები... შენთვის სულ სხვა სამყარო იწყება და მომავალს დამფრთხალი შესცქერი... ეს იღუმალი კარები ჩვენ ვარდიშა მასწავლებელმა გაგვიღო... საოცარი სიყვარულითა და დედობრივი მზრუნველობით შეგვიძღვა ახალ, შეუცნობელ ცხოვრებაში.

ძალიან გავგიმართლა, რომ მის ფრთებქვეშ აღმოვჩნდი, რადგან, საგანთან ერთად გვიტარებდა ურთიერთგატანის, თანადგომის, მოყვასის სიყვარულის და სხვა ადამიანური ღირებულებების გაკვეთილებს, მხოლოდ მისთვის დამახასიათებელი სიმკაცრესთან შერწყმული იუმორით... და დაიწყო ცოდნის შეძენის, შემეცნების გამდიდრების, სიკეთისა და სიყვარულის დღესასწაულები...

მიფრინავს წლები... წავიდა ჩვენი კეთილშობილი ვარდიშა მასწავლებელიც, შეუერთდა მარადისობას, მაგრამ მისგან დატოვებული სიყვარულისა და ადამიანობის გამოუღვეველი საგზალი, დღესაც გვაპურებს და ამ რთულ, დახლართულ წუთისოფელში, სიძნელეების გადალახვის, საკუთარ თავში ადამიანის გადარჩენის, მომავალი გამარჯვებების ძალას და იმედს გვაძლევს.

დაუვიწყარია მრავალი თაობის დამფრთხანების, ჩვენი ღვაწლმრავალი დამრიგებლის სახელი და შეუძლებელია იმ მაღლიერების გამოხატვა, რომელიც ამ ჭეშმარიტი პედაგოგის მიმართ გავგაჩნია მის აღზრდილებს. უფალმა სასუფეველი დაუმკვიდროს ზეციურ საქართველოში თქვენს სიკეთით აღსავსე სულს, ჩვენო ვარდიშა მასწავლებელი!

ქ. ცხაკაიას N1 საშუალო სკოლის 1986 წლის კურსდამთავრებულები



თამაზ ჭანტურია

სენაკის ინტელიგენციის რიგებს გამორჩეულ სიბლეს მატებდა განათლების დარგის თვალსაჩინო მუშაკის ნოე ჭანტურიასა და რაიონის სამშობიარო კლინიკის მთავარი ექიმის დოდო უჩანეიშვილის ჭეშმარიტად ინტელიგენტური ოჯახი.

შვილებმა, თამაზ და მარინა ჭანტურიებმა მშობლებისგან შეისისხლბორცეს ტრადიციების ერთგულება, სიღირსაღი, ადამიანებისადმი დახმარების განუხრადი სურვილი. დედის პროფესიამ განსაზღვრა შვილების პროფესიული არჩევანი – მედიკოსობა.

ძალიან დასანანია ის ფაქტი, რომ ამ ცოტა ხნის წინ ქართველ მედიკოსთა რიგებს გამოაკლდა თამაზ ჭანტურია. ენერგიული, ჯანმრთელი, გონიერი პიროვნება და კვალიფიციური ექიმი. მისი სიცოცხლე ვერაგმა კოვიდინფექციამ შესწირა.

40 დღე სრულდება მისი გარდაცვალებიდან. თამაზ ჭანტურიამ დაამთავრა სენაკის №2 საშუალო სკოლა. ჩაირიცხა მოსკოვის №2 სამედიცინო ინსტიტუტში. შემდგომ სწავლობდა და დაამთავრა თბილისის სახელმწიფო სამედიცინო ინსტიტუტი; მუშაობდა სხვადასხვა სამედიცინო კლინიკებში. კერძოდ ნ. კახიანიის სახელობის რკინიგზის საავადმყოფოში საოპერაციო ბლოკის ხელმძღვანელად. პროფილაქტიკური ცენტრი „გინესის“ კლინიკურ დირექტორად წლების მანძილზე იყო კოლეჯ „ბარაკონის“ მონვეული ლექტორი ქირურგიის დარგში. თამაზ ჭანტურია თბილისის ივანე ჯავახიშვილის სახელობის უნივერსიტეტში უძღვებოდა საექთნო პრაქტიკის კურსს. გამოირჩეოდა კვალიფიციურობით, კოლეგიალობით.

თავად, საოცრად ლამაზი ჰარმონიული ოჯახით, მეუღლესთან მარინა მაისურაძესთან ერთად ნაყოფიერ ნიადაგს ქმნიდა სანათესაოს ერთობისათვის.

მოსიყვარულე მამა იყო, ყურადღებიანი ბიძაშვილი, საუკეთესო მეგობარი.

ძალიან დააკლდა ერთადერთ შვილს ნინიკო ჭანტურიას, დას, ახლობლებს, ბიძაშვილებს, მეგობრებს.

ძმად თამაზ, შენი ბიძაშვილის ზურაბ ჭანტურიას მეხსიერებიდან არასოდეს გაქრება ურთიერთობის ლამაზი წლების მოგონება.

ისეთი ენერგიული იყავი, შენს გვერდით ყველა დაცულად გრძნობდა თავს. შენი ყოველდღიურობით და მრწამსით აღამაზებდი ახლობლების გარემოს.

გვიჭირს იმის გაცნობიერება, რომ ან წარსულში მოგვინევს შენზე საუბარი.

შენ ხომ ყველა გიყვარდა, გულის სითბოს და სიკეთეს უნაწილებდი ყველას.

ნახვედი და თან გაიყოლე ჩვენი გულის ნაწილი. უფაღს ვთხოვ ნათელი დაუმკვიდროს შენს სხივიან სულს.

ბიძაშვილი ზურაბ ჭანტურია
ოჯახით

გაზეთ „კოლხეთის“ რედაქცია თანაუგრძნობს თამილა ბურსულაიას მამის **აფრიკო ბურსულაიას** გარდაცვალების გამო.

ინფრასტრუქტურული პროექტების ფოტოკოლაჟი



სარედაქციო აქოლაჟია
მთავარი რედაქტორი ნინო სარტანიანი
რედაქტორი მელა ბალათურიანი
კორექტორები: მანა გარბაია, მარინა მიქაბერიძე
ეკონომიური სამსახურის სპეციალისტი ჭალიბა ჩაჩიბაია

რედაქციის მისამართი:
სენაკი, ჯავახიძის ქ. №103, ტელ: 276150
რედაქცია ხელმძღვანელობს თაყვისაუფალი პრესის პრინციპით, არ გამოხატავს პოლიტიკური და საზოგადოებრივი ორგანიზაციების ინტერესებს.
ინფორმაცია 66529

რეგისტრირებულია სენაკის სასამართლოში
რეგისტრაციის №56/7-17
გაზეთი აქოლაჟიაზე აიხსნება, დაახლოებით და ოფსეტური წესით დაიბეჭდება შპს „ბოლი 25“
ქ. ქუთაისი, ილია ჯავახიძის გამზ. 33
ტელ: 223779, 223711, 223499